

Arkiv: <arkivID><jplID> FE-223, FA-U01
JournalpostID:
Sakshandsamar:
Dato: 22.11.2022

Saksframlegg

Saksnr.	Utval	Møtedato
061/22	Utval for næringsutvikling og drift	07.12.2022

Søknad til Næringsfondet - Isdal Kjersti - Ny bruk av attgrodd utmark

Kommunedirektøren sitt framlegg til vedtak:

Prosjektet Ny bruk av attgrodd utmark blir tildelt kr 15 000 frå næringsfondet i Alver kommune.

Utval for næringsutvikling og drift 07.12.2022:

Handsaming:

Stian Lavik-KRF og Yngve Walaker-FRP var inhabile i saka - sjå merknad i protokollen.

Olav J. Myhr-KRF erstatta Lavik i utvalet.

Utvalet vedtok samrøystes kommunedirektøren sitt framlegg.

ND- 061/22 Vedtak:

Prosjektet Ny bruk av attgrodd utmark blir tildelt kr 15 000 frå næringsfondet i Alver kommune.

Politisk handsaming

Saka skal avgjerast i utval for næringsutvikling og drift.

Bakgrunn:

Kjersti Isdal er eit enkeltpersonføretak. Bransje: 74.102 Grafisk og Visuell kommunikasjonsdesign, 02.200

Avvirking. Registrert 03.02.2001.

Kjelde: Proff.no.

Saksopplysningar:

Kjersti Isdal er ei landbruksverksemd lokalisert i Isdal. Verksemda vart etablert i 200 og driv med sau av ulike rasar, som eksempelvis utgangarsau av type Gammalnorsk Spælsau. Rasane er tilpassa klima og kulturlandskap og kan beite ute store delar av året. Verksemda har fokus på å nytte alle ressursane på garden, og skape eit grunnlag for verdiskaping og næringsutvikling i landbruket med fokus på lokale råvarer og opplevingar. Verksemda sel til dømes skinnfellar av denne sauerasen. For å få fram sterke dyr med gode kvalitetar er verksemda kontinuerleg oppteken av å auke eigen kunnskap om drift og å betre beiteressursane.

Om prosjektet:

Verksemda har planar om å styrkje næringsgrunnlaget til garden, og vil ta i bruk den nære utmarka som beite for sau ved bruk av Nofence-teknologi (virtuell inngjerding).

Utmarka kring gardane på Isdal er store unytta beiteressursar. Sauene beitar i dag på innmark og på tidlegare åkrar og slåttemarkar. Samstundes har den nære utmarka grodd att eller er tilplanta med gran.

Ei stor utfordring er at det ikkje finns gjerder i utmarka som grenser i sør mot Knarvik og gjerdeplikt vert ikkje handheva. Ny teknologi som Nofence-klavar kan løyse dette, men er ei kostbar investering. Teknologien gjer at ein unngår å setje opp gjerder som sperrar for ferdsel. Verksemda søker no om støtte til denne investeringa.

Prosjektleveranse/Målsetting

Å ta den nære utmarka i bruk igjen vil samla sett styrkje næringsgrunnlaget til garden og tiltaket kan bidra til auka vekst, helse og trivsel til beitedyra gjennom større beiteareal og betre beitetilgang. Det kan bidra til auka næringsutviklinga i landbruket, betre ressursbruk og inntening. Garden vil kunne auke bruk av eigne ressursar og få betre sirkulære verdikjeder i landbruket. Det vil styrke landskapsverdiar kring kulturmiljøet på gardane og auke rekreasjonsverdien for turgåarar ved at beitelandskapet vert meir opent og velstelt.

Prosjektøkonomi:

Prosjektnavn	Prosjektkostnad	Søknadssum	Framlegg
Ny bruk av attgrodd utmark	44 218	20 000	15 000

Vurderingsgrunnlag

Vurderinga tar utgangspunkt i Fondsvedtektene for Næringsfondet og vert vurdert ut frå føremål og målsetting. Det vert gjort ei heilskapleg vurdering ut frå prosjektet sitt bidrag til entreprenørskap, berekraftig utvikling og auka sysselsetting i kommunen.

Vurdering:

Alver kommune ser svært positivt på prosjektet Kjersti Isdal gjennomfører for å skape vidare vekst i selskapet. Etter ei samla vurdering ligg prosjektsøknaden innanfor næringsfondet sine vilkår ved at det viser til tiltak som å ta i bruk ny teknologi stimulerer til vekst til eksisterande verksemder og berekraftig utvikling.

Vedlegg:

Vedlegg i saken:

01.11.2022	Soknad-2022-0065	1827282
01.11.2022	Søknad tilskot Nofence til sau	1827283